



好深湛思室詩存卷五

吳孫義鈞和伯氏著

書館藏

昭陽協洽

毛大令夢蘭出塞圖大令官湖南湘潭有循名以

公去官遣戍西域

風雪古龍堆使君奉戍來壯心輕遠謫絕塞重生回小  
隊駝裝共長天雕箭開敦煌久隸郡遲爾勒銘才

調歌者崔郎小篤

別種櫻桃紫苑通錦羅輪上翠盤中

善歌長生殿舞盤如何一

好深湛思室詩存

卷五

夜啼湘竹玉笛霓裳人世同

繡袂羅衫豔酒巡翩如飛鳥解依人江南玉樹爭聞曲

猶是鄂君花院春

贈沈參軍樹基

女墳湖與鴛湖接卻喜相逢淮水濱

參軍家嘉禾

已見書名

傳內史

參軍能書

未妨詩句署參軍靜鈔末序窗含月閒刈

芝田袖拂雲似有仙人期絳闕年年神澣悵離羣

沈上舍彥曾屬畫繩牀經案圖并綴斷句

一庵佛火黯於煙幃動香銷但醉眠作客還家等禪舍

生知塵算了華年坐春盟王蕊亦賦門外刺寒

瓶鉢隨身供石牀生蓮不似反魂香維摩大藏經繙盡  
惆悵都無處士方來春大春寒翠深新韻辭中鞞冰寒  
筆端如我意蕭森荒寺疎林託遠岑儘有年時味孤寂  
半牀冷雨點秋琴更盡金風賦大秋寒盟風圖草廷開  
委此徐參軍琮叢鞠山房銷寒初集予既畫圖并系長  
歌贈歌同郭明經麈江明經青汪布衣鴻汪員外敬  
蘇南木作

元幕寒色生野梅圖寫九九傳燕臺銷寒集名見  
帝京景物紀三年

好深湛詩室詩存 卷五

二

薊郊跨驢背時有詩侶相銜杯謂吳舍人嵩梁董  
侍御琴涵諸丈此來

淮南木紛落肅宇嚴辰慘不樂朔風夜勁馬瀨寒擁衾

如鐵僵於鶴竹窗旋曙雀不譁啟扇撲面來飛花玉龍

委地素姬舞銀海卷盡長河沙堅塗皸裂行迹少踏凍

尋詩問郊鼻折梅更盡金屈卮大好寒盟屬圖草我聞

三白農占年獨慨歲告牛斗躔平地尺水望歸壑此雪

可被吳民田便祝來春大有麥羣飛鴻雁猶中澤吮豪

何似鄭監工狀爾凋年凍梁色此時酌盞紛高歌藏壚

角韻聲相和紅鑪坐春豔玉蕊亦知門外啼寒多

新集 催梅

初集

如何乞與草堂靈梅蕊禁寒雪未晴人想綺衣步林下

夢畱翠羽到參橫舊時月色仍籬落昨夜春聲動客情

驛使迢迢易遲暮先看何遜去江城

郭明經時往揚州

待半不節汪員外敬觀復齋銷寒集第二

寒月

灑灑雲波惻惻陰孤帷乍白夕蕭森寒蟾老兔非無侶

碧海青天奈有心邊塞還知夢離別高樓曾共夜深沈

素娥寂處清虛府不問參橫語翠禽

好深湛思室詩存

卷五

三

積雪

日薄陰重雪未消層層砌畔與牆坳未妨月落助梅色

時有風來作絮飄破曉游蹤近山寺耐寒詩思在溪橋

剡舟一櫂成孤往燈炮酒闌伴寂寥

俗名雪未消日等伴高青邱詩三日

不消知

嚴霜

落木草堂朔吹勁雲封冰淨見霜華平蕪貼月斷征馬

高樹著花寒曉鴉容易殘年搔短鬢未堪終夜動悲笳

誰家鴛瓦明於雪羽帳熏籠玩淺霞

朝旭  
還戀重衾度曉鍾  
瞳瞳晴旭下簾櫳  
薄霞猶似鑪灰燼  
淺雪微知檐漏融  
林院春聲動鳥鵲  
柴門嬌色及兒童

一牀布被三升釀  
可許野人棉纈同  
又童習安

臘日餽佛粥厥風肇息門迺如伊蒲供節物今猶存禮

經載狼觸考父銘鬻鏡韻會引左傳作鑿於是鬻於是糜鬻辨涼衛說文

好深湛思室詩存

卷五

四

涼州謂鬻日鬻粉馳沿江村肉菜昔斯和果來茲餘潘其實紛

棗栗維菽佐薑黼寵名七寶美侑飯非壺飡腰鼓動寒

色堅塗圻草根颺颺撼墻戶楸柚添圍盆良儔酌樽酒

薦俎陳雞豚餽饌一盂盡肺腑皆溫燉昔聞耆闍佛食

糜尼連洄見水經注河水篇跌坐度金盃十界無寒暄肅序茲

慘懷蔀檐餓鴟蹲冬春歲不畜飢凍及童昏安得施去聲

香鉢法燄回朱垠

題毛大令夢蘭洞庭春帆圖

聞道飛鳧過洞庭滿江蘅芷賦湘靈十年南雁投荒磧

夢繞楚山一片青

壯游重與唱刀環猶憶巴邱卅六灣應勝羅含徒筆記

袖中詩畫徧湘山

闕逢涪灘

梁茵林廉訪滄浪亭畫冊既成卽系以詩

風月無今昔千載遙贈投亭館卽故址琴觴有前修  
闕溯經始嬪主如遞郵危磴緣苔蘚喬木偃龍虬頽垣  
繚叢薄蒼鬱生涼秋止水芳躅慕孰能華醖畱使君日  
按部此焉駐輕輪林澗羅廣闔漁榔答鳴騶張組階鶴  
好深湛思室詩存

卷五

五

馴披牘庭草絲因摺謝公笏頗拏李膺舟衙散赴冲眷  
地寂愜冥搜朱軒盛經過會賞乃寡儔皇華甄輿誦德  
政美且優民隱燭纖細涵鑑澄清流展如采土風攬奇  
肇偏隄郡西湖山勝寥泐瑩吟眸願廣濯纓什終嗣鏡  
水游

小史

參軍小史爾何人一樹梨花照酒巡容易渴羌香沁魄  
洞庭可許丐餘春

孫平叔制府婆娑洋集題詞三十韻

文紀出循郡廣陵肅清嘉伏波巡封谿陽城無軍笳宣  
蕃古所美賦跋光旌牙和蘭昔蠻徽屹立東瀛涯澎湖  
鎖關戶環島如排衙鹿門達雞籠天險森齟齬開皇畧  
地及代祀絕使車使君今召仲橫海來星槎踏浪貝宮  
闕洗雨金佉苴傳譯徵獠犵簡役張鶴駕威容盛艤艦  
膜拜臚竇帙市酋列闔閭耕番勤燒畚鯤程三月周鼂  
駕萬里遐籌策靖澳嶼采風挾藻華蟠文間鴻律耀德  
非隆夸憶昔滯金厦道梗遭奴倭敢逞跳梁鼠從驅戰  
原蝸檣舶集浪嶠

見明史

鉦聲喧浯沙

好深湛思室詩存

卷五

六

皇朝出振旅禡祭揚鞭籛螳奮當車轍虎負憑哈呀一  
塵伏礎斧三捷鍵弓靛所嗟羈裝橐三稔臺員家負笈  
非請纓歸役東山賒赤嵌亦紀游徒歌侔楚巴泲泲此  
鉅集蒐奇粲詩葩恍貢囉噠寶疑濯滄溟霞駭目披錦  
鬪洗耳揮箏琶甌越聲教暨使節開騶驂兵旣武庫儲  
鼓亦文壇拋功庸敢贊美奏瓦慙填譁

星對潭那貝宮  
塘人開皇

何上舍大鏞吟香仙館畫卷題詞

豔月冷香放鶴亭袖中詩卷在西泠徒聞高詠林君復

翠羽枝頭客裏聽

蘇帶燕舟遊嚴陵湖賦軍

記曾載酒還元閣，帽影鞭絲動曉吟。亦有湖山夢離別，  
閒吹玉笛白雲深。  
草堂九樹惜春殘，猶憶橫枝入鏡闌。寂寂疎籬舊時月，  
碧苔長盡綺窗寒。

游華山登蓮花峯望天池惟顧山人春福從朱茂  
才綬沈明經彥曾憇山寺以待  
近山松楸合晨曦，澹無輝磴道轉更幽。地僻人語希叢  
篁，隱蘭若停策先歛扉。廣除老桂樹，穠香霑人衣。披榛  
度樵徑，直上如天梯。縋幽捫絕壁，剗然羣峯低。闔風送

好深湛思室詩存

卷五

七

寥泖足底晴雲飛，陰厓俯千仞憑虛。懷升隣寒重難久，  
駐倦羽從之歸。二客睜焉後猿蚓，相招攜回看所歷。境  
杳窳蒼煙迷，反塗遵梵宇。山僧導杖藜，慰我登頓勞。茗  
坐青苔磯，落英糝曲礪。汲泉香霏微，林禽無俗哢。巖草  
有餘萋，卽此清曠旨頗與塵凡違。煙霞永餘慕，歸權心  
融怡。猿鶴尙相識，石屋秋同棲。

高郵大風泊舟翌日聞高家堰十三堡息浪庵潰

隄以詩紀事時十一月十二日也

我來孟城日短至，重客淮海聯舸行。

仲弟鎔同  
之楚州

仲冬乃



復似炎伏單衣跣足從宵征逾城十里舟疾艤墨雲如  
磐失晦明迅颺洶欵地維起乾軸旋轉山頽傾三十六  
陂萬頃浪飛躍隄頂高墉城寒氣涼冰隄浪合琉璃一  
片光晶瑩皇天后土黯無色揚沙走石埋雙睛風聲水  
聲若海沸駭耳百萬軍銅鉦越兩晝夜天怒泄餘威股  
栗神魂驚一舟簸盪七纜斷當此命直鴻毛輕頗聞金  
隄日多故使者意態方驕盈湖瀦患洪策防守築室久  
負同官爭曷嘗箕伯肆厲虐暴風疊告隄尋崩岷之蚩  
蚩眠未醒剗然山裂轟雷霆銀戈白馬落天上狂瀾捲  
好深湛思室詩存

卷五

八

地魚龍腥裸蟲跳逸駭獸竄遑顧家室同飄零呼爺喚  
妻紛野哭逝波出沒旋無聲交衽結帶誓溝瀆骨肉聚  
首還如生直類屠肆縛羊豕那免赴壑吞鮫鯨尺椽片  
瓦蕩焉盡桑田倏忽成滄溟哀哉九州此鑄鐵豈真厄  
運天心萌蓐收占禋戍神誠一月三發如丁甯自十月  
首迄至

日風暴凡三作大

隄旋塌旋單薄矣處堂燕雀味節候滌河務畜清淮清

周橋百里故卑薄

周橋山  
町工名

束薪簣土工不程

堰町兩分  
守堅請多

儲柴土爲修守  
計河帥輒不許

利未可知害可待淮揚半壁難支撐拳

菱輓芻政表裏滯漕轉陸滋紛更從是杼軸做東國詎

惟金錢糜水衡我曹楚州久旅食十載茨塞長安平罹  
茲艱險正客路漂泊不異空江萍一身憂患庸足計中  
澤鴻雁方哀鳴搔首顛天呼咄咄厯陽魚化皆生靈

國事民命竟何補言之涕泗交縱橫我詩紀實作金鑑  
天心人事誰論評

舐犢圖

容爾飲池與寢阿一鞭殘照笛聲過石帆山遠休論直  
贏得嵩牛重畫科

莎牆蠖角柳陰眠識字誰家學鄭元自古丈夫憐少子

好深湛思室詩存

卷五

九

不須舐犢笑烏犍

沈刺史濤遇於淮浦旅館命觴話舊歡如平生出

載酒訪詩圖屬題率成長歌報之

昔歲蘭若招延秋

謂同人集  
清陰禪院

梧竹蔭簟傾冰甌酒龍詩

虎紛吾儔相從壇社執鼓枹前歲車笠逢蘆溝蓬梗散

合隨颿颿青楊白楊道阻修長歌易水生寒愁淮南木

落歲重游顚然羈伏如蟄螻道左忽逢繫馬鞅喜揖君

入罽離憂建康清絕醅醪投出視畫卷瑩吟眸青山白

舫傳玉鉤子春泛宅同清幽豔此藻詠皆盟鷗砭鍼俗

耳笙管迺鶴觴千里行相酬侯芭載酒我或侔比者浙  
西歲不收澤有鴻雁無蠶麤三泖庸殺江湖流處堂燕  
雀猶噍啾連哉虞集誰訪詠

君論三吳水利甚悉

故鄉坐歎懸鉏

耆君家南湖傍珠樓我家七里虹橋頭水國常租足取  
求銀尊紫蟹佐新篔生處菰蘆無遠謀願跂診袪年祈  
媿桑落釀早稻種畱鴛鴦一櫂聲啞嘔百里煙雨歸漁  
謳從君買醉分詩籌高歌斫劔輕王侯

旃蒙作噩

上巳集汪員外敬觀復齋同江明經青郭明經麀

好深湛思室詩存

卷五

十

汪布衣鴻趙上舍振盈作分韻得草字

客居不知春重陰闕昏曉岑寂輟琴觴蕭疏倦花鳥祓  
辰言采蘭吟社及摘藻坐客王粲來盟主杜陵老如何  
騎月占春霖似秋潦筍輿阻窮巷蠟屐陷深淖欲濟川  
無梁咫尺卽遠道

子以雨未與是集東詩報之

坐憶玉屑飛豔想金

樽倒解襖瀕濁流何以澣塵抱我心鶯燕同翻飛遲晴

吳愁攀檐際花願樹堂背草

重集觀復齋賦送春詞同郭江二明經汪布衣趙

上舍沈刺史濤巖上舍達作用杜子美落花游

瓜步繡絲白日靜兩句分韻予拈平韻賦絕句八首

青簾一樣閱年華容易歌殘金縷斜簾外綠陰檻外水

鶯歸蜂去各天涯想思出飲散水對容衰對春暮春暮

年時嬾問踏青游婪尾花時餞玉甌碧草斜陽是歸路

短長條縮短長愁十劫來園負我春派紫派芬絲塋土

猶是鶯飛草長時悵悵翠幄冒晴絲穠桃豔李人間世

可共封姨返玉池楚州

榆莢雨過更放晴可憐時節未分明獨來幕卷簾垂地

紅日一竿鷓鴣鳴白詩

好深湛思室詩存

卷五

七

客窗倦起嬾於鳩自有春芳未可畱我似大隄萬楊柳

楚州搖落又揚州楚州

南園蝶散草青青禊飲重過小驛亭風馬雲車定何處

東皇草草嫁娉婷楚州

曲籬芳援誰爲主十載家園負好春飛絮飛花總塵土

藥闌紅斷更無人楚州

曉鐘才動積簾陰愁思比於淮水深客裏餞春春是客

一枝玉笛寄離心楚州

巖上舍達煙江唱和圖平韻

瓜步橫綠生春潮布帆獵獵催客舫滿江雲采落手腕  
詩壘屹立如金焦老龍吟靜漁歌作擊楫中流引李郭  
羽衣仙侶共吹笙風散海天一聲鶴年時喚渡滄江頭  
煙嵐孤負詩囊收裴公董生招不得一竿秋雪慚盟鷗  
酬馬水部瑞辰見贈之作

黃金臺畔思車御此日琴樽從盛游小謫元微近虞部  
工詩何遜例揚州隨身旗鼓分吟壘滿目帆檣虛計籌  
時河漕多艱猶及扶風聽絲竹名山商畧到千秋  
嘗與籌策

龍潭道中

好深湛思室詩存

卷五

三

泛泛江溽日已蹉蓼花風起白鷺過如何不縮人離思  
綠徧平隄髡柳多

水國初寒蘆荻秋候潮小次傍漁舟不知洲外聞鷗鷺  
日日乘潮到石頭

巖茂才駿生手把芙蓉朝玉京圖

碧瀛翠水羽衣從張騫夜卜星槎動三十一天散曉霞  
送君朝闕乘皇鳳霓裳入破夢游仙回首瑤京橫曙煙  
一朵紅雲映羽葆曼卿遠陟蓉城顛結璘韜素琨雞唱  
青鳥使還問劫年簫史情天悵眇逸步虛聲寂遺孤鶴

紅牆明抹細吹笙裂月穿雲怨花落

呈董琴涵侍御丈

芸閣清華轉柏臺年時乞養錦衣回琴尊列座思种放

綵舞陳庭羨楚萊侍杖梅崦青澗曲披襟松籟白雲隈

封翁个亭先生喜游侍御常奉板輿於青芝天平諸山

為聞小隱通明宅手濯清

泉采木來

柔兆闍茂

送梁茵林觀察陳臬山左

三年載酒從淮浦聞道行驄按部催卧轍難酬民愛去

好深湛思室詩存

卷五

三

書屏獨受

帝知來冕行華嶺先春至旌拂桑湖逐浪開

觀察方以公次海州

曾憇朱軒大隄柳邦人已比召棠栽

岳武穆王與李忠定劄冊梁廉訪所藏屬題

昔誦鄂王下齊檄露布星馳走金鎬今讀手啟李觀文

氣薄虹日驅風雲滅此朝食肯狼顧壯心直掃黃龍府

軍旗朝錫題精忠寢閣有命嗟不終麻刀誓師背寇克

廷議主和棄淮北挽車頂香迎公軍公去如此河東人

壞汝長城三字獄諸酋酒賀汴民哭兩宮淪沒諸陵墟

豈惟賊檜君安諸獨遺將相凌雲節百十二字凝忠血  
劉凡百十二字有滅此應比清臣奉使文石泐金埋此  
朝食及直掃黃龍府語  
不滅香篝快骨韻韻采蘭冊後

王鐵舟遺牘美人伊難不盡哀卽有賊賊攻心

聞道丁年橐筆游翩翩詞采動諸侯憐才有意古猶少  
感遇無文死亦休埋沒陳琳原記室飄零玉粲只登樓  
角巾塵尾懷名輩賸得殘縑孫子畱效奇園艾舍蓋意  
陳芝楣太守月夜訪琴冊

使君此停策琴鶴憇清衿衙散赴冲睭園局生隱心子  
好深湛思室詩存

卷五

古

猷慕高躅白傅寄新吟芝蓋待還發月斜漏已深

有所思行

憶得前年秋水榭月當頭美人通微波倚闌花含羞意  
長蓮漏短月落珠簾鉤今年月華白美人秋江隔花影  
上高樓獨自銀河夕千里碧江潯巫雲遠夢尋醒來湘  
淚墮離恨比江深美人明鏡不鑿遠惟有姮娥知此心  
不賦書萬州倅醕循咳采蘭冊後

反哺林鳥風木思知君已廢補亡詩廣微豈獨工詞翰  
馮翊從官有養時

分檄安陽動喜色采芬珍重辦晨修微榮瑣瑣亦真樂  
肯使離親薄夏侯

梁茵林方伯滄浪亭第二圖冊題詞

子美林亭傍水隈當年曾迓使旌來禽魚樂處開經苑

風月清時入鏡臺已見攀轅賦楊柳應畱題字長莓苔

忽忽詩卷兼圖畫淮海還通驛使梅方伯於甲申秋權  
泉吳中旋還淮海

道任鈞時反吳寓  
書屬爲第一圖

竹馬重迎郭細侯雄藩坐鎮徧歌謳是歲春奉方伯中  
吳之命鈞逆見於

王家舊時猿鶴承朱蓋新起亭臺駐絳騶方伯蒞任卽  
重葺斯亭擴

好深湛思室詩存

卷五

五

其地多定有詩編繼韋白還聞郡紀擅蘇歐方伯近編  
次滄浪小

志輞川圖卷應無恙證取煙雲話昔游玉石谷有滄浪  
亭畫卷爲宋商

邱中  
丞作

讀漢書西域傳

欵檄徒聞詔錦車羽林苦戍白龍沙募田浪欲窮烏壘

失律無端罪虎牙未許紫陬歸漢壁至今赤水動胡笳

紫陬胡婦  
名見傳中荷戈十萬看邊月不照當時塞上花



好深湛思室詩存卷六

吳孫義鈞和伯氏著

強圍大淵獻

好專董琴涵太守琢卿州別駕二丈朱茂才綬潘舍人

皆未識曾沂舍人弟竹如探梅鄧尉期而未至者陳大

滯年滯淮海家山成阻修茲春理歸柩幽居歛羊求喜

直廣川君故鄉重淹留

謂太守歸里

讌閣既聯轡行塘復同

舟北陸寒已送西郊春可游晴巒探梅訊撰辰招良儔

好深湛思室詩存

卷六

未永合并樂行慰端居憂

始出西城汎舟六十里登穹窿山

曉出西郭門一舸雜賓從清霽愜游心客先羅浮夢邈

渚淡煙橫入隴冷香送倚櫂循平疇連屐踏殘凍曲磴

苔未滋長林禽始啣犖厯層陂琳宇當巖空天風度

沈瀟身雲快舒縱羽人導升躋小憇坐丹洞豈無繭足

勞欣有賞心其

宿山館待旦登中茅峯

琳宇何葱蘢密構煙蘿岑洞房繚曲檻福地窈以深治

具青精飯侑客綠綺琴

主於李鍊師師善琴

中夜靜笙鶴臺殿隆

蕭森仙犬虛堂警鬼火空澗沈侵曉陟茅峯微馨襲我

衿雲中立茅許閱聆滄浪吟金芝盡妙顏冰雪皆仙心

揮手復回眎離思誰能任

旋辭宮又遠

曉度長崎嶺由石樓登萬峯臺題名

明發西北徂冒寒出山扉林曙未升旭澗深稍祛霏透

地度長嶺梅風散芬菲蔭高杉松合路轉巖障圍還眺

乍來徑白雲蔚然迷石樓峙嶺表猿引階天梯前人顧

下首後馬戴上蹄旋登滋險窄下坡彌嶽巖巋巋萬峯

好深湛思室詩存

卷六

二

臺目盡湖天低頗疑御風近已覺嬰世非登頓勞未劇

剡辭重留題

下臺里許至石壁望太湖

登臺復降臺荒塗莽寥闕洞天陰晴異雲山高下寂村

梅紛破煙寒香遠沁魄引人窮幽厓螺轉暗將夕割然

眼界寬湖光盪空碧萬頃琉璃宮反影炫巖石凌虛架

精藍面湖千仞壁下臨鷺地盡深入喜凡隔足躡蛟龍

淵未敢夜吹笛

具青元墓登還元閣觀梅

將汎費家湖言尋郁元墓淑氣草先被春風林暗度居  
人梅爲田晴雪塍野布或疑香國封或訝銀海渡或逢  
姑射姿或回洛妃步高稱逸士隱清如釋子悟幽宜翠  
禽飛奇類潛蚪驚仙尉渺難蹤草深殘碣仆空山太古  
春天與葆貞素神怡淡忘歸浹旬永餘慕巖山園賦  
將至菖蒲潭過潭東購紅綠梅九本乃自司徒廟  
潭東潭西路南枝北枝花短垣隱松篠中有山人家意  
行無近遠物候多清嘉曦陽暄屋茆雪泥培林葩紅綃  
兼綠萼籬落紛交加移根藝草堂不郵青錢賒擔香虻  
隨從鋤影月橫斜寒塘十里近春風載歸艇

道出司徒廟至礪西草堂過怡園竹如別業也

爲訪礪西屋更從潭東旋安仁有別墅沿谿欵柴關亭  
觀互升降池石相迴環乘月陟累榭演濛辨遙山隨遇  
各有得偶契便忘還主賓共寢處窳窳敞窗軒宵闌衆  
籟歇香霧空漫漫心地兩清絕卽此非人間

信宿怡園越日由虎山橋汎舟歸

霜月盈園中皓然玉宇淨衣單嵐氣重履滑苔冰凝鷗

好深湛思室詩存

卷六

三

雞唱始曙山容向人靜

玉篇廣韻集韻類篇靜無作去聲者惟韻會始作疾正切此據

揚雄傳爰清靜作符命之語詩本此

潛壑回春姿虛亭展野勝筍輿候當

門筇杖曳來徑岸幘糝香絮行行盡林磴一桁虎山橋

權歌湖如鏡留眷煙霞深澄觀泉水瑩回望城西岑迢

遙隔禪磬

張叔雅秋山獨往圖

此畫秋山中奇巖巖勢其宮

似展坡仙笠屐圖冷官獨自賞煙蕪剌藤七尺稱腰腳

隨分行吟賀監湖

沃洲晴翠畫圖收天姥依然託夢游

子與同人有浙東游約未果欲

好深湛思室詩存

卷六

四

問許支舊游地雲中猿鶴領清秋

泖湖舟次同齊太守彥槐作

湖曙霧始斂舟動潮暗生九峯似曉沐開窗辨遙青鼓

柁入空宵一鏡湖天平汎汎遵荻渚中有漁榔鳴梵宮

中流峙晨鐘度青冥浮圖眇涌見朝華媚金莖髻髻陟

浮玉汗漫滄江行塵遠身彌蛻境曠心逾清歸塗恣流

眇春草齊茸城

張女公子襄鄧尉探梅圖卷題句

將軍嬌女愛清游煙水全家共泛舟吟過青芝山外路

春禽啼曉凍雲收

玉梅萬樹引聯鑣翠被貂襜豔雪飄擲笛人歸滿湖月

寒香飛上虎山橋

女公子有虎山橋待月詩

策策辭辨賈勳詩文轉

花驄先我幾時回未識人間詠絮才唱徧煙波閒釣艇

還元閣上見詩來

是游也子後公子一日至得讀其題壁詩有煙波閒煞釣魚船之句一時

誦

泰元殘碣沒平蕪曾倚筇枝倒玉壺湖似鏡匳山似黛

卷簾先展十眉圖

帽影鞭絲憶昔年礪西準辦草堂錢祇今巖翠收圖畫

好深湛思堂詩存

卷六

五

輸與五湖鷗夢圓

子方為張河帥畫鄧尉梅花卷故云

一雙蛺蝶飲香時絕勝青邱九首詩儘我微吟嚼冰雪

玉川遙夜輒相思

哭陳別駕裴之

鉛鋒易摧頓芳桂滋朽蠹才盛命竟齎志豐時乃悟已

矣陳元龍溘然就朝露韶年憶締交揆華美無度英姿

爭識玠罪言早傳杜挾書傾玉尊策治輓賈傳有文轉

輟翰未宦初遂賦回鑣從計然鹽車窘驥步文苑兼循

吏貨殖尤歧路加鞭控交衢傳乘將焉附秉牘驅壯齡

用劉綬  
雕龍語

握籌劇心數百慮紛熬煎履甘仍茹苦營名知

名累騁才爲才誤胡爲百卉春已卽乘榆暮漢原逝波

永吳江夕陰沍弔鶴唳市門孤舟返旄素景完森墓碑

詎堪重親顧綺婦空幃守皤翁長川鶩如何艱鉅遺遽

此泉淵赴薰膏發楚哀重因龔生寤

年少

貂瑜玉劔紫驂騶年少青雲樂未休離別已輕三楚賈

豪華自喜五陵游鄂君畱被濃花落鄴苑分香逝水流

擲盡黃金孺子榻簫聲只在舊歌樓

好深湛思室詩存

卷六

六

商舶

霜空木落雁飛還商舶如雲黃鸝灣

灣名見水經注沔水篇

休更

刀環江口望游人誰省唱刀環

七夕同沈上舍彥曾韻

雙星脈脈相逢乍一水盈盈別意長針孔虛煩傳綵縷

梭聲猶爲度紅牆殷勤月底香羅薦迢遞河邊雲錦裳

莫問人間有靈匹洗車雨是世啼裝

送沈上舍彥曾歸吳省親

秋氣客先感蕭條淮水濱如何浪游子還送乍歸人寄

遠月中雁懷鄉秋後蕙同拋閒歲序羨爾及娛親

著雍因啟

楊明經璫屬題飛來載酒圖圖爲遂甯張船山太

守所作

已失張威伯還逢楊少師旅心江雁合斷夢蜀鴟知紅

燭裁詩夜黃鑪感舊時草元亭寂寞載酒悵來遲

贈家興鎔

仲蔚蓬蒿沒徑庾信榆柳滿園何如選石小坐春風紅

媚庭軒

好深湛思室詩存

卷六

七

記我逢君春暮淮陰兩度停驂惆悵鶯飛草長年年拋

卻江南

飢鷹謠

易水咽征笳塞風捲枯草肅序慘以冽獵騎黃塵掃朔  
方健兒臂鷹出蕭颯悲臺振牙爪健兒身微賤託附勳  
舊家木葉山前控弦隊貂蟬襲盛沿簪華羽林欣飛暮  
辭闕從禽直來萬里沙之采盡雉兔成山蔽毛血腥雨  
落長天海水有時竭海水竭江水流隄淮浦張魯孛頓  
轡桂林苑發弩落星樓飢鷹礪吻翔錦鞬健兒漁食與

之傳罷餌繳陳絲竹黃者金白者玉蘭漿輕棹吳娃來  
戟衛銀屏歡未足歡未足空原藪豈惟齒草地實生子  
女玉帛盡君有縱飢鷹鑲周狗大車百乘聲隆隆席卷  
囊包薊門走

梁蒞鄰師嘗欲濬吳淞三泖復吳中水利暨奉方

命始舉工丁亥春勘視越歲戊子夏告成有作淞泖

具區三萬六千頃歸海正道惟吳淞農墜漁蕝日侵占

好深湛恩室詩存

各私其利川防壅黃渡迤東益高亢膠舟往往窮篙工

代祀壇移廢莫舉有如疾久難鍼攻磯心牯毀海潮入

流沙墊壤形穹隆中鬲旣滿尻尾塞脈絡不舒支港同

轉繇浦蕩南注泖大腸不利膀胱通上承薛澱下申浦

紆遠停滯終養癰坐令湖身患腹壘浙西多潦成鮫宮

癸未歲青猶在目

謂道光三年

四野莫救嗷嗷鴻

國家財賦此藪澤爾田爾宅關正供培養元氣拯稷癘

誰紓民瘼言之恫使君我吳大屏翰松陵時爲乘轅幢

水利農田國至計一身肩此非常功役車雲屯雷雨集



親勸罄鼓聲瑟瑟率作興事不靳費奈何杼軸當其空  
師糧山積轉西北河儲火急輸南東履畝而稅鑿往事  
力役之征時有窮亟循舊疏貸漕粟幾經仰屋侔司農  
起徒穿渠闕歲竟早有成算臚心胸况茲圓泖乍疏濬

良二千石垂勳庸

謂松江李太守葛峯

芟葦築圩政實始湖流下

瀉差能容幸與昭雪爲督勸詎免謠詠蛾眉逢

太守力主濬泖

有同官沮之於大府師持其事迺奏功

丁年檄吏載勸視鈞也汎棹嘗陪

從陶中丞檄齊太守彥槐范司馬博文勘估吳泚江泖湖工以鈞粗知疏築事宜命與是役始沿古

塘越滬瀆更涉三泖逾九峯江潯平坦陌連屬止水濁

好深湛思室詩存

卷六

九

淳萊草封每每閭田廣墾闢紛植蔬果耘長種旋登泖

橋一遶望巨浸厥豁明雙瞳新隄嶄然故址復頗聞報

最稱黃龔如何鄰邑獨梗沮瀆湖尚有菱蘆叢偉哉使

君燭利弊皦如旭日懸青穹擯排異論操定識審機制

用勞匪躬治必探原善必卒澤與江水同始終昔賢吳

郡屬碑記淞泖形勢全牢籠尾閭閉壅百脈病論譬精

當堪發矇

明文恪吳郡治水碑記云震澤吞納取流腹也陽城顧會諸浦蕩脈絡也白茅吳淞則

尾閭也尾閭閉壅腹且病四支百脈無不病見文恪姑蘇志

不遭岐俞善醫國執案

古方起衰瘵鰥生罔識久遠計水鄉伏處儕耕傭第見

川絡浸通暢我江我湖咸朝宗豈惟夙疴盡解脫蘇我  
民困成熙雍始知疾隱苟止達香露白朝秋憂心  
朝野蒙福年登豐文兩世風雷圖難中畫神冊  
汪離宰能忠知非圖湖靜冠泉後陣陰川聲鼓  
伯玉筮寡過淵明悟歸里昔賢諒合符高躅可媲美之  
子邁矯節沖襟佩蘭芷復此鏡前修朝夕箴坐几吾儕  
踐圭金因年加勉止昨非豈卽非今是何必是澄懷鑒  
虛堂相期闡至理

汝南汝南灣

好深湛思室詩存

卷六

十

汝南灣外柳條條曾向杪秋倚畫橈寂寂簫聲酬弄玉  
鳳臺如夢可憐宵

誤尋舊約第二圖爲徐少尹琮作

梨棗憶歡宴武陵不相見豆其發悲歌鄴臺困東阿參  
商者生式好死天與遺憾都如此葛帳一襲方星行交  
柯之木東西榮豈知池塘斷清夢淚泉迸咽斜川聲道  
遙堂虛燈暗綠孝友兩世風清穆圖讖無端中畫師孤  
幃聽雨悽梧竹餘不溪淮南樓看雲白石添煩憂

少尹  
湖州

德清

空牀舊約不可續霜天孤雁悲涼秋盡湖賦賦

玉真小游仙

焚香靜研洞虛經久判披霞侍太清昨向夢中宣紫誥

玉函瓊笈又除名

拔宅飛升事眇茫淮南丹藥閱真方世人莫笑閒雞犬

也吐紅雲捧玉皇

遊戲塵寰類小兒誰憐曼倩鬢成絲空勞方士求瀛島

陞戟真仙竟未知

蚪輿翠蓋降飛仙等是方平五百年我勝蔡經聞道訣

親看蓬海變桑田

謂甲申冬小景

好深湛思室詩存

卷六

十一

蘇晉族叔雨村采芝圖小景

雷谿家在長蒿萊雲海年時采木回畧似蘇門寄游迹

破空長嘯鶴飛來

一枕游仙近上清綠苔如繡靜緜笙

時方賃居名祖祠偏室

玉河

瑤草新分種便擬呼龍帶露耕

冬至自淮浦歸里卻寄同社諸君子莫笑問誰大

疾颯振珂虛寒旭沒林表堦戶坐暝陰疏櫺旋明嗥披

帷冒寒出飛雪盈已皓念茲歲云暮昏中方近昴朔風

正長詩嚴序明遠道昔人重感時塊獨江湖老因之輟

琴書一觴覓醉倒莫辭腐中腸且爲釋幽抱

望舒無回鞅羲御似流箭少壯一刹那學之疾於電累  
未周何捐志徒禽向羨蟲吟懷土多鷁退遇風倦已嗟  
李膺逝更辜張儉援流浪浪絕簪裾迢遞越鄉縣欲附古  
贈言雙魚貢深眷

弱齡耽山澤藤屨恣行游比歲滯淮海蘆碕儕閑鷗江  
樹沒煙水雲外春帆收隱隱孟城郭森森邗水溝故人  
重懸榻彌年此欸畱天地良逆旅華年亦蜉蝣苟得長  
合并願言祛牢愁明月醉金尊碧雲詠玉鉤相遇且歡

好深湛思室詩存

卷六

三

酌不樂何所求放浪賦知命嵇阮庸非儔

人生亮蓬梗飄泊動殊方今夕復何夕陶然獨舉觴會

合豈不艱勞勞役塵鞅偶同輪若輻動爲參與商市交

矧險巖孟門孝標傷吾儕筮盍簪貌合非所望高原有

松色勁節凌繁霜厲志砥石堅佩質申椒芳庶幾王貢

趣不同少年場別離卽非永相憶甯相忘

未買田賦志封禽向羨蟲吟懷土多鷁退遇風倦已嗟

琴書一觴覓醉倒莫辭腐中腸且爲釋幽抱

琴書一觴覓醉倒莫辭腐中腸且爲釋幽抱

好深湛思室詩存卷七

吳孫義鈞和伯氏著

屠維赤奮若

南山有喬木

南山有喬木羣鵲巢其枝鷲者翻啄雛雛鵲繞枝悲鷲  
鵲豐毛羽占巢如守陴覆卵不復顧飄搖墮垣墀一朝  
疾風雨食盡巢傾欹他族得相侮來者鶴與鴟力孤鬪  
不勝呼雛雛安之高翔犯霜露低飛罹棘茨不如二三  
雛巡簷還寄籬鷲鵲爾勿憂爾雛巢未墮新枝可跂足  
好深湛思室詩存 卷七

好深湛思室詩存

卷七

一

纖粒可飼飢同力規舊巢患難情孜孜誰謂羽族賤猶  
能念本支

夜過嘉興追懷朱竹垞檢討

茶煙閣裏賦閒情檢討故宅在郡城梅會里賸有鴛湖水調聲我亦

江湖重載酒月明權過秀州城

乍浦登觀山望海

絕頂一高閣九峯濃翠橫山為乍浦九峯之一懸崖盤海出寒籟

挾潮生帆指仙山遠燈懸佛火明晚鐘驚客路日落寄

奴城

小普陀

黃盤看一髮海會有禪關島國扶光外仙槎析木間宵  
明疑有月潮起欲無山莫更訪秦駐徐船猶未還

秋鳥

菜花蛭共桃花蜺鄉物都誇食譜收何似綠鞵網織鳥  
屠墳十里稻花秋

禹鴻臚卜居圖梁茵林師屬題

隱隱桑麻巷溶溶水竹居高懷稱圖畫盛世有江湖結  
屋宜鄰樹分畦足客蔬角巾遠塵市已遂此心初  
好深湛思室詩存  
卷七  
二  
豈必逢休沐尋幽卽素衿乞湖賀監志賭墅謝公心水  
月虛臨檻風篁靜入琴東山自歸望未可謝朝簪

歌燕門

河清霜見祥網緼玳簪珠履羅仙眞翩然鳳集淮水濱  
華門鶴蓋紛如雲就中比二千石西河偉人課最謂是  
今王尊胸儲賈策嫻董文餘事作詩爭鮮新花下絃管  
鳥鳴春菰蘆下土頗自珍有刺漫漶隨車塵媒銜不惜  
歌燕門葉龍鄭璞何紛紜不見仲宣驚坐賓

閨省

閨省櫻桃別苑栽濃香拂席曉春來經年自有琴書典  
不解相憐穎士才

此時惆悵鄂君游會卧攬璣月一鉤青鳥依人自來去  
落花如雨夢羅浮

王茂才三畏西冷吟社圖

總宜船小下輕流吟侶尋盟到白鷗立徧孤山梅月影

微聞一鶴唳清秋

聞道鄉孃聚列仙一時文酒劇流連謂阮制府開府越中葺詒經精舍一

時名士咸集湖山管領今誰主闐寂風流二十年

好深湛思室詩存 卷七

三

舊時鷗鷺記招邀攀盡雙隄綠萬條吳下同人有鷗隱詩社如蔣志凝

曹懋堅朱綬沈彥曾先後有湖上之游予輒以事阻孤負芳春鶯燕約落紅飛絮

段家橋

上章攝提格

曹孝廉懋堅屬畫麥舟圖并系短律

元伯停車日西華衣葛年絮雞高節少贈馬古人先感

痛分金後艱難負土前孝廉於正月卜治先塋長樂梁師捐金為倡衍廉訪陳觀察蘇

太守陳大令經楊大令仁湛熊大令傳栗益之以賻時鈞懼先大母憂師輒分賻金三之一遺鈞以助葬云

詎能酬厚德同此淚潺湲詞調春來鷺手自許琴書典

徐上舍夔典乞題丙舍圖

疾風一朝林木折地傾山頽同陷缺父兮母兮相繼絕

丙舍營成悲奠醞人子有身親所出入子有親天所奪

三十五年若電瞥荒原寒重鵲聲咽負土栽松躡霜雪

傷哉貧也猶橐筆麥飯春秋違墓碣哀慕時時淚成血

寢廬可圯圖可裂至性如天不磨滅

張芥航河帥自河口出海夕宿開山以詩紀事次

益玉齋韻奉正

大河四瀆一清淮實惟配明昌河奪淮歸墟此攸賴

好溪湛思室詩存 卷七 四

昌五年河南徒入淮 閘壩不輕啟清彊資激汰會同赴雲梯瞭望

益汪濊攔門有淺沙梗阻數陳誠機形徒理求蓄疑若

負債使君淵獄度智勇超倫輩奉命巡金隄投艱更遺

大求治不窮源論討恒顛齟但貴驗吾目非欲息羣喙

齋被升艫艨利往占遇夫箕伯默效靈灑酒振英概爽

岸馳雙輪蜚越北尖外倏忽兩尖盡

水天一矜帶振舵復北征旋知逾沙背樽桑盪綺霞依

希赤城屆日落罾網多漁笛散空瀨蜃氣幻氤氳鯤程

靖澎湃帆檣翰鳥輕更鼓鼉龍會夜色迷青蒼遙辨開



山界權夫方西指颶母勿狂悖駭浪撼層山激薄灌河  
內初虞涉波濤已喜近塵闈計里百三十六時行無闕  
回看滄瀛洲雲冥黑蜨挂履險遇特奇壯覽興惟邁從  
官交愕眙還慶福星戴頗聞橫節時輿訪投鍼芥帥遇業漁  
者吳人張漢材及舵工朱某訊以嘉慶間奏案有海口水深四丈餘寸之語張等言自乾隆間卽業於此水深時無過八尺潮退率三四尺海口接築則外沙類廣原攔門沙亦隨而外移言古今形勢甚悉  
內隄等巷隘就下復走壙赴壑順且快出陜疾有力浪  
淘沙星碎其理易證明列論匪黠獮閱世此海濙煙雲  
靡定態大隄屢接築水衡糜泉貝沙輒隨外移不勞畚

好深湛思室詩存

卷七

五

車載積鹵堪負厚浮游乘虛籟

唐盧肇海潮賦載物者以積鹵負其大注鹵鹹

水也所以能浮厚地

沙水警敵交兩軍必一潰河勢踞高壁衝掠

盡野稗頑梗退舍走湍怒日追敗始信瞽史箴不惟漁

樵話朗如澈冰淵剗然披陰霽使君是行役互古發蒙

晦敷陳帝褒嘉策從賈讓對馮蠡應休徵然犀祛異怪

繇來樹勳庸所本在忠愛洸洸紀事篇藝林紛沾丐治

河今獨難功高勞苦最中膈久高亢厥疾匪茫昧漕舟

滿南東雲帆阻江靄窮變始灌塘收絃徒法在甲申冬淮決高

堰十三堡息浪庵後河水恆高於淮禦黃壩不敵南漕阻滯先是萬廉山太守創築草牯屛水灌塘有成效帥

暗香飛上草堂來

丁亥春重游鄧尉購梅九本補栽草堂西偏故云

陳司馬曼生丈與先君子爲昆弟交嘉慶庚午辛

未間主先君子忽忽二十稔矣比丈仲子

實咸

游楚州同館淮海道公寺晨夕話舊感慨係之

適以貽硯圖索題輒賦長歌志世誼云

弱歲得識陳元龍交忝羣紀時陪從筆牀硯席草堂東

丈居敝廬梅花草堂東偏

墨瀦落紙光如虹求者百輩餉鶯籠支腰

掉頭多倦容進我左右侔書幄中郎虎賁貌或同塞白

時眼頗昏蒙孰辨珉珉兼圭琮文星已去城芙蓉又見

好深湛思宰詩存

卷七

七

玉樹交青蔥藏弃楹書扞詞鋒室有琴鶴貽清風石田

一片畱研攻絕勝負郭年屢豐籛金非富氈非窮西華

衣葛隨飄蓬淮浦車笠何緣逢感舊涕淚橫心胷先疇

我亦思服農荒蕪筆耒憂心忡與爾石交兩世重勗哉

成器相磨礪勉繼吾翁與若翁

齊太守彥槐得唐子畏妻梅子鶴畫卷觀者謂圖

中林和靖貌似太守遂以爲照屬題長句次張

芥航河帥韻

高才逸思必有伍婺水延州堪並數官閣梅花近合并

知是酒龍與詩虎巢居閣畔孤山東擘牋酬贈生春風  
八百年後證君復張河帥詩語清悟妙解誰能同多謝六如

舊居士圖寫梅妻兼鶴子前身明月是邪非春柳芳蘭  
神似耳翠禽縞袂夢時情參得前生卽後生今古破除

人我相王肥沈瘦休紛爭見沈昭畧傳北枝南枝同折取欲

喚逋仙敦古處小劫滄桑閱世成修來仙骨應相許放

翁紈扇畫不殊維摩金粟象同區古來幻境皆詩境畱

作他年主客圖

河帥詩首云世間怪事誰與伍古人可當今人數分

好深湛思室詩存

卷七

八

明梅麓坐吟圖作者迺是唐伯虎結云卻愁八百餘

年後更有人來認此圖太守以爲妙語解頤題詩之

冠雖匡鼎說詩不是過也

張芥航河帥以銅鼓歸焦山作歌紀事次韻報之

鼓萬廉山太守丈舊物也

憶昔初見漢銅鼓南昌太守吳中家萬丈宰元和緣事去官時寓吳凡七年

宦游江淮與遷徙侍史拂拭無癡瑕太守平生性嗜

古訪碑選石屐齒窪周劔秦權漢甄瓦貪得有如食月

蟄鈞也十載共晨夕鈞自丙子訖丙戌主丈先後凡十一年證古笑口時

張參鼓較諸葛大小半老眼鑒別真無花架以檀柙籍  
貝錦疑有光氣騰若邪凡物顯晦殆非偶能公所好殊  
堪誇龍淵一躍有遭際如麟去鎖鳳脫箴解鞍豪俠古  
慨慷啟積文采今盤拏戟門旦開動金奏欲應鼓吹揚  
朝華賓從如雲盡應阮稽制鄙雅無少差伏波老年度  
茅嶺南服越嶠同呂嘉黔陽鍊銅耀威信藤男獯女黠  
揄擢炎天癘氛久轉戰愁見跼跼飛鳶斜誇生功隳武  
烈在蠻兒莫敢聲嘔啞長城旣壞鼓沈溺千秋赤堇瘴  
霧遮潯陽出沒定何代

一統志銅鼓灘在潯江中通志云昔人於此得銅鼓故名靈

好深湛思室詩存

卷七

九

鼉穩睡潛青鮲頗似恆河歷世劫蚤悟圓寂離塵諱公  
今爲之證善果淨域歸禮金袈裟人天布施等七寶土

花苔繡重推爬姬氏吉金並度閣

謂周鼎

慧日輝映窗櫺

紗焦仙渡汝有寶筏前導香象迎神麈回思此鼓數易

主感舊客淚還交加山陽重過有竹笛延陵已去遺鏤

鐠人琴重爲痛子敬賞音今又逢伯牙作歌紀實鬪文

藻廣徵壇社盟牲豨溷世已同廣陵散知遇幾付漁陽

拋飯依不逢善知識侏儻任昧終荒遐何如金輪轉初

地一鳴千歲驚琵琶

吳都賦蛟鼉琵琶注琵琶魚名述異記海魚千歲形如琵琶善鳴

鐘魚梵唄答空籟共作佛事朝阿闍長留海天應潮汐  
無復峽水蟠泥沙江瀨砰鉤巖嘯發靜根了澈參婆伽  
名山可藏鬼神護日浴法雨涵仙霞此鼓此事兩不朽  
公之壽世同無涯

隨書沈敘軒觀察去官淮海卽送還郡

隱侯結契托忘年政事文章衆所傳士載才雄言艾艾

孝先學富腹便便一編淮海詩中史兩腋風泉畫裏禪

觀察能詩喜畫竹 賓從追隨王庾後漫勞陳榻爲高懸

幾經小謫惜微之沐水淮雲有去思觀察前官淮海時由開歸道調任因

好深湛思室詩存 卷七

十

公左 重襲豸章唐道佐一枝翠羽漢官儀宣房課最多

臣績溫室書名受

帝知觀察屢登大府保牘 白馬津頭駐行轡至今輿誦鄭當時

正從官閣卧煙霞奉

詔許回使者車容我丹心猶戀闕幾人白首未還家蕭

朱薦辟名場壘

丁亥歲以襄平相國表薦重擢淮海道任

牛李恩讐宦海槎

觀察之去官也有京朝官道此求金不得遂擠之其人實觀察戚屬也

何似忘機狎鷗鳥

一竿水月夢蘆花

石林平遠雪溪幽七載湖山悵阻修

觀察家湖州歸安 畫竹題

詩坡老閣書旂賞酒牧之樓故園紫筍盤初薦舊句青  
苔壁尙畱遲我西崦看梅月觀察自號西崦梅叟閒身也向盛時  
休沐

玄默執徐書能醫贊贊官

贈姜布衣鈴卽書卧看秋山圖冊後布衣吳洞庭山人行年六

十三矣工書能醫

太湖三萬餘頃遠山七十二峯愛啟北窗高卧窗外煙

雲萬重

客裏靜鈔木序健來閒刈芝田輸與五湖鷗鳥蓼洲蓮

好深湛思室詩存

卷七

十

澈酣眠布衣客於外數十年矣

不著阮孚蠟屐還張宗炳瑤琴他時一權相訪兩龍渚

間醉吟

贈王司馬養度司馬官江防十六載矣

物外有司馬琴尊結古歡司馬善鑒古流傳新翰墨司馬手臨率更

禮泉銘方勒石脫畧舊簪冠官趣監州外書名內史間海天虹

月彩疑是落毫端

郡閣枕江州江山足卧游蕪城花月榭司馬有別墅在揚州瓜步

水雲舟地僻漁租薄庭閒吏籍收廿年棠蔭滿新澤正

歌謳司馬官既久多惠政辛卯洪澤湖盛漲淮揚災民南徙以億萬計州當其衝司馬捐廉首創賑濟郡民全活甚衆

御寄吳辛生謝益書坐臥不去西池士未懇東池

前生畫師繆詞客一衲梅庵應比蹤葡萄撥醅具容釀

桃花畫餅追家風錦帶寶帶有游記青楊白楊多過從

何時結茅招沈約予介士美交辛生共聽巖閣三生鐘

贈何大令士祁卽書村居讀書圖後

靈運息會稽石壁垂紀錄安道止剡谿琴書恣棲宿緊

惟文采彥恆春山川淑觥觥何子季藝林扇蘭馥雲門

好深湛思室詩存

卷七

大小山家風紹清穆結廬放鷺池開欄卧龍麓前除廣  
十弓喬松雜竹木穠陰潤几斐涼颺散簡牘養眞足嘯  
歌求點庶高躅泉水出山清岱雲爲霖速蓬瀛旣展翅  
花縣還縲足亮矣公羊家秉經治犴獄放衙雀羅庭升  
階鹿引轂詎非學術優蔚爲循行卓宓賤偶輟絃安仁  
有初服未忘柯館隅回憶鏡湖曲如何念家山寤歎在  
邁軸謝傅儻高卧疇爲蒼生福下走西浙士未騁東州  
目肩荆手一編嗤同僵鱗伏宛委慕石笥陽明企洞籙  
所居洵鄉嬛探簡類金玉勝緣仙吏兼福地使君屬願

歛三徑幽更與十年讀載酒侯芭車誅茅巴公屋天姥  
從行吟結鄰容我卜

虹橋夜泛同吳二壽格作

水如環佩月如絃水戲齊拏六柱船燈影橫塘歸櫂後

笛聲鄰舫試歌先傳紅寫翠珠盤髻卻扇分杯玉比肩

看盡金閨眉樣柳止憐夢醒杜樊川

淮陰旅夕逢張永祥話川楚從軍舊事茅店聞雞

一牀霜月飛觥擊劍促我悲歌

聞道花苗昔跳梁身經百戰掃機槍避營功賞今馮異

好深湛思室詩存 卷七

三

軍弁多白論功張獨退靡不言橫槊威名古彥章永祥能武世稱爲張鐵槍云落魄

狗屠例淮肆裹尸馬革合沙場寒燈濁酒聞雞夜醉袒

征袍看箭瘡

藍田射虎贖雕弧李廣封侯骨相無塞月還能照肝膽

邊霜容易上頭顱張年五十而鬚髮皓已盈矣重畱漢上題衿館一

慟山陽賣酒壚知重雲和萬協律可堪草已墓門燕與

張同主萬廉山丈凡三年

梁茵林師練湖三圖圖爲吳江郭桐作

雲州澤藪曰練湖北岡之曲西城郭百二十里極袤廣



七十二流相委輸溉田濟運實兼賴陳氏遏溪湖厥初  
歷久豪族互占壑上湖盡闢成膏腴下湖僅存率淤淺  
開墩一望叢菰蒲堰隄失治涵礎廢夏漲則泆冬則枯  
南除高田千百區灌注無備恆荒蕪潦雨不時安所恃  
連畝龜坼懸耨鋤漕舟轉粟來東吳霜序南返春北徂  
水泉既竭猶川塗滯壅檣桅膠軸轆岷之蚩蚩但自利  
公家損益慮已疏頗同秦越視肥瘠害農妨運誰之辜  
時清迺逢賢大夫率作興事多遠謨改弦琴瑟易轍車  
政有沿革真鴻儒兩湖瀦盈難盡復雙牯啟閉還相須  
好深湛思寧詩存

卷七

古

兩湖雙牯  
俱詳邑志深知利病

朝野共豈有形勢今昔殊長山寒颯拂高憶練塘暑氣  
侵行鱸庀材鳩工閱一歲爲

國家事忘辛劬比遭冬旱涸漕渠雲帆蔽塞滄江隅百  
夫牽輓兀不動有司惶迫丁號呼飛檄東下斗門啟疾  
流似箭離雕弧湖水減寸渠水尺先民有言良不誣

見志

中 四野歡聲頌利濟秔稻歲歲輸

皇都美哉善政今所無宣泄關鍵如調符千秋利源一  
朝復古之名臣誰則如韋損在前許元後

明一統志鎮  
江府名宦韋

損潤州刺史修練塘以溉丹陽丹徒金壇之田民刻石頌德又許元知丹陽歲大旱請假練湖水以溉民田不待報決之溉田萬頃歲大熟

田 缺石頌德何慚乎

文章吏部詩工部早著聲華瀛苑中一代龍門重師表

百年夔國屬宗工游從阮氏林間竹

賞到中郎爨下桐

閣學深 閣學乙酉典試江南得鈞試卷以同 考官交薦始列魁中旋以額溢見擯 閣學喜音律自製樂 府恆屬鈞訂宮譜

事馬扶風

放言六十韻卻寄金大令勇揚州

好深湛思室詩存

卷七

五

大江盤廣陵三山環相對賤子淪菰蒲南來自吳會鈞

昔十五六襟抱頗耿介童子許試文博士漢課最自忘

力最綿人詫眼孔大學植比蕢進傲睨麤沙汰九數與

六書潛研析纖芥七經逮三史師承溯宗派雅知務本

根不事術瓌怪廿年操散卓三時勤觴佩珽輝任淵湛

鐔鏘但水淬霜原趺蹄蹙秋風羽毛鍛藏山儻傳名閉

關堪養晦室人乃交謫短氣真病瘵馬卿賦無金杜陵

酒有債卷勝寒難衣丹鉛飢難噉欲作阮籍痛豈僅修

文喟此時東郭履廢書起慷慨蜷局遑遐征寒酸終故

態振褐手捫蝨倒羅髮如薑衡詠工四愁鴻歌徒五噫  
止將窮鳥興行甘飛鷁退苦與俗世悟尙有故人愛范  
叔贈綈袍遽伯獻縞帶尺書胥市傳片帆邗溝挂初得  
交仁山英姿洵豪邁髻年騁隆譽瑚璉賦秋解藝圃闢  
畦町文壇捎旃旆麗藻摘春華古芬披金筴筆陣劇縱  
橫辭源紛澎湃根懋斯蕩榮閔中迺肆外澄懷鑒冰雪  
高節峙泰岱度傾江夏黃勇騁舞陽噲雄談何汨汨冲  
抱良靄靄而君不棄捐識我在顛沛矧有數寓公卓爾  
皆名輩博聞稱樂史

連裳  
孝廉

有道欽郭泰

頻伽  
明經

學識並韓

好深湛思室詩存

卷七

六

褒清簡類王勣曳佩更學環綺裳復結禴朝雲披素襟  
夜雨畱清話論逐交衢驂因依比目鮪探寶入娜嬛饋貧  
氣投沆瀣馳逐交衢驂因依比目鮪探寶入娜嬛饋貧  
指廩廡結契託張邴事大慚曹檜敢比鴻羽儀竊附驥  
子隊願攀高原松冬春常菱葑願傾峽江流脈絡長灌  
漑未爲下車揖將毋望塵拜詎慕長纓請且念糾笠戴  
嗟茲帶淮城浹辰雨霧霈杜宇啼冥陰封姨颺塵盞邀  
月浮太白看山點淺黛如婦車下帷若逋足受欽得君  
猶樹萱蠲憂且豁肺十載重合并遽別使心痲君方適

燕臺郭又泛馬瀨遠志夔已萌將離花無奈還念滄浪  
居荒徑滿蒿藜歸與棹漁舟一竿雜屠儉時大令將入都謁選郭明

經亦客游袁江

好深湛思室詩存

卷七

七



好深湛又思深湛數志楚日南米舖蘇無奈影念餘  
好深湛又思深湛數志楚日南米舖蘇無奈影念餘

好深澹思室詩存卷八

泉臺

六刺山

志舉

江冬青

善哉昔夫辭命里巽首吳孫義鈞和伯氏著

昭陽大荒落隸官至暗辭銀賦官吏并不惡賦

室自林烈婦行氣悲衆風烈夜山皇排闥捕姑姑

詩故哉烈婦林氏浙平湖縣乍浦人顧某妾也姑與夫

怒益辭無故致之死同里有吏某爲顧母子謀亟斂林

夫謀尸冀祕其事鄰里寃之欲爲婦報姑奔逸陳山

里中兒十餘人逐之得聞諸令獄乃治故典

雞鳴牝鳴啄雛里兒紛誼厖持械驅惡姑一有姑抑何

好深澹思室詩存

卷八

一

惡有夫不相弔新婦始入閭橫肆終風暴窮終夜哀

老魅當門笑二奪婦食禡婦衣爲婦三歲摧折之姑與

夫終若此婦有生不如死一朝蹈海死不得姑扶之歸

怒益恆解三鞭誠魚烙慘備五毒姑欲死婦婦安逃婦曲

徇姑姑願足亟闔一棺蔽衆目白日當天覆盆覆四同

室自戕賊鄰里爲悲號衆兒騰沸奔山臯排闥捕姑姑

潛逃五惡姑逃縣官至剖棺驗死傷官吏掩袂不忍視

彼姑若夫絕倫理罪首及夫獄以治具衿襪委瘞蘿貞

魂儻歸來毋使失所悲泉臺六陳山之峯上多青松築

彼松城華表封婦之名節山與崇龍湫泉清且冽湔姑

惡莫能潔山亦可隕泉可竭烈婦千秋名不滅七解

貝不悼郭頻伽明經丈即見贈詩韻

諸侯老賓客羔雁動時賢華嶺游新記丈於庚寅夏游濟赴嚴小農河

帥之招松陵集舊編丈家於嘉善所著靈芬館詩文集虞樓詞草彙餘詩話等書俱刊行

身文壽世病肺酒傷年嗽上氣疾漫道林宗詣還勞蔡

筆傳丈有印曰西京游俠東京有道之裔

原贈詩

郭 麐

太息孫賓石蹉跎損壯年長貧為客早下第畏人傳

好深湛思室詩存

卷八

二

磊落蟲魚注紛綸金石編徒深老夫詫之子繼前賢

青樓怨

玉容掩紈扇銀甲彈冰絃半臂刺花翠貼鈿桃笙重展

羅幃褰明妝豔豔嬌可憐一笑動客千金妍客去客來

朝復暮鴟雞唱曙新人故結得新歡似朝露以色事人

賤如土不逢客喜逢客怒為語畫樓人伴苦還停辛不

見下走淪風塵甲第手版驅連羣膝前妍笑兼工嘔一

顧燕谷回陽春事人無爾顏色好學得淺深眉樣巧貴

游喜怒豈能保不解相憐妾婦道

謝歌者吳鳳畫蘭扇題詞爲于五湘山作  
翠袖璇題翰墨新  
靡蕪幽賞出風塵  
玉眞有意傳毫素  
乞與名花作主人  
風梢露葉拂雕闌  
小幅冰綃寫影看  
漫爲春芳感遲暮  
賞心容易素心難  
璧月溶溶暈曉涼  
美人清夢寄瀟湘  
春城多少穠桃李  
只倩東皇護國香

一翦靈根九畹分  
折枝橫綠映羅裙  
相思何必曾相識

誦到離騷便憶君

予在都未識桐仙

好深湛思室詩存

卷八

三

當筵題扇數行斜  
攀得楊枝縮客車

時湘山將旋淮

應爲王孫

長惜別萋萋芳草又天涯

哭鎔弟

遽傳惡耗愴心神  
豈料傷心事竟眞  
久爲文園憂渴疾  
更堪鮑照感貧辛  
霜晨寡鶴摧翰急  
夜苑孤雛屑涕頻  
杜甫涼秋高宴日  
茱萸插帽更何人

淚泉和雨咽斜川  
并少寢帷一慟緣  
爲抱煙霞成痼疾

止憑絲竹遣中年

弟精音律與予有同好

辭家張儉方寥落

子頻年滯

淮海憶弟王維獨棄捐  
生已安窮南阮老  
重泉誰市紙銅

錢

轅金艱難百慮侵更誰藥衰辦苔蓂寥天覓食分飛雁

故樹營巢共命禽無復姜肱温客被重教子敬痛人琴

夏仲女弟  
慧貞先逝素情相弔孤熒影我亦憑棺怕哭臨

一盞寒泉酌夜臺對牀舊約頓成灰驚心一夜紫荆落

轉眼三年玉樹薶剪燭西堂人永訣挽車北郭我遲來

子自癸巳質廡准販  
欲南旋殯弟輒未果桓郎三弄風徽逸弟善笛  
及絃索從此柯

亭廢笛材

闕逢散牂

好深湛思室詩存

卷八

四

錢運判燕詒奉其先人玉魚丈照求題率成短章

圖為改布衣琦作

枯籐上蟠糾細草低茸茸趺踟寓我相勝坐圓蒲重丈

人冰雪姿禪說欽遠公寫圖轉靜眇古衲鬚眉濃寥天

綠陰羃絕磴晴霞封優曇花一樹吹落天香紅伊蒲清

供罷入定微聞鐘卽此泉石賞如逢雲水蹤繙經止遺

篋挂壁還畱筇未及度金鉢侍坐青松峯何時汲瓶水

浣我塵凡胸

湯漁村都督入



思圖卷後

覲南旋道出淮陰見訪旅邸率呈二律卽書其平沙秋  
江洲小隱大星低喜遇清時靖鼓輦草檄據鞍馬文叔  
通書爛畧耿征西才堪黃絹尋碑讀游許紅裙賭墅攜  
吟壘卽看同將壘偏師端許附弓錡  
疑是樓船橫海回滄江一棹雁天開輕裘緩帶羊公度  
看劍燒燈杜甫才詩就雨催牙仗散嘯闌風引羽觴來  
青山一朵分吳越游燕還輸猿鶴陪

畫屏無睡圖冊題詞集李懷州句

好深湛思室詩存

卷八

五

蟾蜍夜豔秋河月羅屏但有空青色

叶韻

臥來無睡欲如

何鳳女顛狂成久別謝傳門庭舊末行本來銀漢是紅

牆未知歌舞能多少侍女吹笙弄鳳皇短衿小鬢相逢

道賈氏窺簾韓掾少可惜秋眸一彎光春風自共何人

笑東閣無因得再窺廊深閣迴此徘徊鑿天不到牽牛

處密鎖重門掩綠苔蠟燭啼紅怨天曙仙人掌冷三霄

露東山事往妓樓空枉教紫鳳無棲處家近紅渠曲水

濱星娥罷織一相聞綠萼華來無定所雲屏不動掩孤

嘖兔寒蟾冷桂花白細路獨來當此夕重幃深下莫愁

堂當關不報侵辰客扇風淅瀝簟流離羅薦春香暖不  
知未遣星妃鎖來去故教迢遞作佳期閨門日下吳歌  
遠斑驪只繫垂楊岸雪夜詩成道韞歸翠袖自隨回雪  
轉麝香微度繡芙蓉來是空言去絕蹤未容言語還分  
散後門前檻思無窮梧桐莫更翻清露桐花萬里丹山  
路青鳥殷勤爲探看只應不憚牽牛妬夢來何處更爲  
雲綠繡笙囊不見人豈能無意酬烏鵲枉緣書札損文  
鱗芳根中斷香心死畫圖淺縹松谿水瘦盡東陽姓沈  
人半曲新詞寫棉紙繡檀回枕玉雕鏤朱闌畫閣幾人

好深滬思室詩存

卷八

六

游嗟余聽鼓應官去止有空牀敵素秋紅綻櫻桃含白  
雪憐我秋齋夢蝴蝶繡被猶堆越鄂君朝雲暮雨長相  
接苟令熏爐更喚香今朝歌管屬檀郎此情可待成追  
憶此夜姮娥應斷腸舞鸞鏡匣收殘黛離鸞別鳳今何  
在夜吟應訝玉繩低爐煙銷盡寒燈晦清香一首杜秋  
詩可要金風玉露時直道相思了無益收將鳳紙寫相

思此本事詩也爲南州君紀遇而作  
中敘事實讀者弗哂其僻雜也

萬淵北別駕丈還讀書室圖

圖爲錢叔美作

誰言公少賤治中叨

朝祿誰言公無名清譽重科目宦成豈必顯循聲著邦  
族貽厥豈必富誦芬在箱軸偶與張邴會辭滿鑿知足  
慮賤遂輟絃安仁返初服徇緣此寓公翛然結茅屋憑  
檻憇風泉開檐面竹木濃蔭澗几棊爽籟披簡牘鑑古  
來賓朋典籍任僮僕養真有嘯歌恬退無榮辱卽此至  
樂存何如塵事局攸之徇窮達淵明寄耕讀攸之淵明  
偶句用郭  
頌伽丈卷  
端跋語 竹素同委懷公平庶高躅

贈婁丈卽書其坐花吟館圖冊後

南田花鳥玉田詞翡翠牀頭筆一枝

婁能畫喜  
爲小詩詞

拈取芳

好深湛思室詩存

卷八

七

園春夜景飛觴醉月總宜詩

家成婁壽有清芬餘事臨池辨隸分贏得君家新翰墨

小蓬萊閣綴遺文

園籬一角野橋偏遠絕山椒落響泉底事陽春謝桃李

重翻苑本畫青蓮

圖名用春夜宴桃李園  
序意畫則梅數本而已

榮華唱此至

大好家山悵阻修沃州迢遠鏡湖幽空遺五色生花管

天姥行吟託夢游

孔上舍憲彝出示其朱棣瑛夫人學隸圖乞爲題

博新詞因系六絕譽重殊目富奴豈心願辭聲替快

焚香擁硯絕纖塵，珥管乘牀錦軸新。一樣簪花美女格。

學書又見衛夫人。

孔望山遙指堦鄉，魏封漢碣滿巾箱。應知家有楹書在。

彪宙碑多列廟堂。

闕里孔廟有漢博陵太守孔彪泰山都尉孔宙魏封宗聖侯孔羨三碑

寫蘭筆許管姬妙，咏絮才惟道韞工。何似中郎遺愛女。

還將波磔擅家風。

玉茗評詩鮑令暉，豔稱臣妹有清才。

夫人兄昌頤殿撰數稱其才

池幾許雙魚錦，明遠年年寄大雷。

殿撰頻歲客淮楚間故及之

跨虎文簫仙籍看，畫眉筆試鏡團圓。未須寫韻誇鴛侶。

好深湛思室詩存

卷八

八

證取前身吳彩鸞。

曝書亭近挹清芬。

上舍近移家嘉禾邇甥館也

墨守景完古碣存。

竹垞

專習曹全者葆璜夫人體亦近之

我愧考亭遲問字。

鈞出虹舫師門師家海鹽未二至也

師淵載酒憶師門。

嘉旃蒙協洽

孔上舍憲緯淮陰聽雨圖

姜被同温忘客游，楚州淹滯夢齊州。池塘春暮鴈靈運。

風雨潁濱憶子由，踏壁新詩蛩和夕。對牀舊約鴈悲秋。

故園有客剪窗燭。

令兄星廬在東中，有和詩郵寄故及之。

此夜看雲獨倚。

樓來重武... 山公... 王... 東... 閣... 卷

戈茂才載別十年矣比同客楚州喜贈

重編孫恂句雜擬鮑昭詩茂才緝詞韻已成同學喜新

得殊鄉重故知社思鷗隱共同人舊有暮惜燕巢遲子

後客淮茂才先莫漫感飄泊相看鬢已絲同客

帶水向門流阻尋同路修招邀馬融帳寥落仲宣樓子

樓官燭論文共奚囊得句投客中春易盡不盡是春愁

和作

盼斷碧雲暮飛來錦字詩情深十年別語重兩心知

好深湛思室詩存

卷八

九

望子請纓速憐余托鉢遲春韶莫輕負楊柳已絲絲

詞林有根柢騷雅繼靈修學貫九經庫名高百尺樓

萍蓬嗟共感膠漆幸相投塵窰誰堪語論文破旅愁

王贊府湘秋林月話圖題詞

知君花徑幽清夜欵羊求異縣引同客新詩話舊游桐

疎窗受月菊晚宴宜秋更愛錢元茂圖為主客圖仿

畏為松壺老人作是日同集者祝話石潘同學喜

西泉張子涵及松壺凡五人見圖中跋語

展來重九折霜枝待得山公把玉卮寂寂東籬閒寄嘯

兩開叢菊杜陵詩

風雨園林滋碧苔白衣送酒客徘徊縱饒歐九工吟詠

贏得黃金拋地來

歐陽永叔詩昏黃風雨打園林叢菊拋零滿地金

惜別王孫話剪燈  
紉蘭題句贈吳綾軟塵不少羣芳譜

第一品題范致能

謂小桐范有菊譜序

燕分飛

燕分飛燕分飛雛成母老慘將離分飛母子難重見蓬

門畫棟分榮賤一雛翻高翔主人玳瑁梁飼來竹實晶

簾下棲近桐花金井傍山雞文采等閒度可惜樊籠學

好深湛思室詩存

卷八

十

鸚鵡回頭念母奇棘籬空巢寒夜啼風露脫銀絲落金

鎖不如謝去錦繡鄉重覓慈烏效反哺

轅下駒

轅下駒轅下駒圍人咤叱臨天衢洛陽驥子好骨相紫

絡花鬃入儀仗何緣神駿受鞭適五陵游騎同牽傍玉

璫瓏錦鞵茵區區野性誰能馴嚙芻飲泉被羈勒那遇

良樂兼方歎嗟乎此子權奇空冀北不逢孫顧老寒慄

卽事寄知己

此生無分涉瀛洲攬轡居然託宦游敢爲衙官卑屈宋

差教記室謝陳劉俗塵牽曳兩驂馬人世浮沈雙浴鷗  
但得買山容十笏搖鞭那待管絃收

愧乏凌雲獻賦才馬卿也作選人回不辭鷓鴣卑栖志  
且逐魚龍曼衍來名署鴻都還挂榜游從燕客漫登臺  
最宜占得湖山美天許詩人眼界開

卑栖以  
墨韻對

趙北口

雄州接趙州寒色瓦橋秋蓮淀已陳迹蓼花空舊游防  
秋人荷鋤爭渡客塞舟編戶無蓄意

是秋北河潰隄鄭  
州以北皆水舟行

十餘里  
始達魚蝦喜倍收

好深湛思室詩存

卷八

十一

東阿道中

壁立層崖石欲積雙輪疾碾走晴雷穀城山遠行人絕  
何處黃公進履來

欲問陳思迹已陳憐君忠愛表親親燃其幾廢桐珪翦  
豈是貶侯爲洛神

過任城懷蔣大令因培

故人此結綬彈指十年過東國游重記南池夢已訛宓

絃譜琴久趙錄訪碑多

予初至山左得交蔣伯生  
大令蔣有循聲喜金石

戴壩

仍時閉還須策蹇羸

曉過沂水

三平泉百餘里重關中資西畧

梅炎藻夏近沂川草草宵征月在韉何事撲塵襪襪子

穆陵關北又揚鞭

曉發中山店題壁

歸路嶧山暮行行十二程悲歌餘短缺壯志負長纓入

座陳無已停車宋廣平無端絲竹感同此謝公情

瘦沈亦行役輪蹄暮共朝

時沈茂才慶萱與宋陳二君皆同行

感時仍落

葉借別競攀條客易燕臺慕愁難魯酒銷夷光空去國

謂小爲夢五湖遙

好深湛思寤詩存

卷八

三

邳州

朔風夜起凍雲黑下相城遙客行亟車聲斑斑燈遠明

林深月落搖秋星祖生著鞭苦不早茅店聞雞走遠道

頭顱四十一貲郎文章信美天涯老屠狗販繪賣漿翁

此地何者非英雄從爾南山射虎亦快意安用殘年跽

跋黃塵中

長樂梁茵林師奉

召入覲以詩紀事次韻寄呈

謝傳東山望匪輕三年泉石偶尋盟重聞韓仲資西畧



師於八月廿二日請 覲 又見崔珪賦北征卧後煙霞

翌日卽奉甘藩之 命 辭素疾師疾起時霖雨到蒼生卽看南國棠陰徧吏士

爭先迓使旌

召公分陝幾時還雄鎮榆川百二關長史署名開儉幕

鈞遇師都門任佳兒繞膝戲萊斑師長子逢辰郎官四

書記者十日子映辰太學生皆隨 州 汝南將士叨評許李義山詩兼 魯國傳經愧鑄顏

何日扶風聽絲竹藏書商畧到名山

好深湛思室詩存

卷八

何日扶風聽絲竹藏書商畧到名山

廿 汝南將士叨評許李義山詩兼 魯國傳經愧鑄顏

何日扶風聽絲竹藏書商畧到名山

公 汝南將士叨評許李義山詩兼 魯國傳經愧鑄顏

夫 汝南將士叨評許李義山詩兼 魯國傳經愧鑄顏

夫 汝南將士叨評許李義山詩兼 魯國傳經愧鑄顏

夫 汝南將士叨評許李義山詩兼 魯國傳經愧鑄顏

好深湛思室詩存卷九

宋詩集注卷九 吳孫義鈞和伯氏著

柔兆涸灘

正歲旅居口占示徐州別駕琮

旅館逢正歲屠蘇中淺醺猶微憶遠曲不廢送窮文編

竹多遺俗

居民競放燈火

傳柑遠細君止餘徐孺子移榼話殷

勤州別駕常

移具合食

處寂仍因客言愁但有詩雁臣逢節感繭卜託心知藍

尾傳杯數紅牙按板遲

暇輒與別駕顧曲

無端頻聽鼓未是應

好深湛思室詩存

卷九

官時

近居在河督署西偏

曳車圖

圖畫一老人曳車車中全家婦子嬉笑

自如并載家具什物無弗備

底事衰年役未休輪蹄馳逐又何求漫言有子皆豚犬

強半生人作馬牛入世幾多三折坂全家渾似五湖舟

道旁莫哂翁癡絕富貴拘牽亦爾儔

就衰驚力走蹒跚日昃鹽車末路難儘有老翁神矍鑠

未妨婦子話團圓遣驅不待鞭絲控局促誰為轅下看

莫訝鄉嫌家具重自來家計付顛顛

折楊柳

折楊柳汁隄遙河梁惜別攀長條美人遺我雙鈿盒短襟密繫心堅牢春風又綠垂楊線章臺走馬重相見回鐙擁髻絮離愁薌澤微銷淚如霰芳菲節青青枝歡來攀折莫相疑試看眉奩還舊時

畫白鷹

九月塞雲開  
鵠鷹掠草來  
胡天一片雪  
迸落白登臺

放歌行

去年獻策不見收  
今年著書還埋頭  
去年謁選滯遠州

好深湛思室詩存

卷九

二

今年寄食仍客郵  
一第終坎壈  
一官多淹留  
膠擾得喪間  
漫與方寸讐  
楊子路歧詎足慟  
阮生囊空何用憂  
且勿溺交游  
交游緩急誰相周  
且莫干諸侯  
諸侯尊顯方自謀  
我今骭心任運與  
道適大笑沙蟲下  
土空悠悠

怨歌行

啟妾鏤金匳  
贈郎青玉管  
別來月數圓  
寒輝鑑帷滿  
擁鑪坐思郎  
思長宵漏短  
郎意如死灰  
死灰幾重煖

萬四啟旬停燭話詩圖

知音萬協律  
遷客沈初明  
問學喜新得  
徵詩感舊情  
論

交人贈策覓句燭銷檠此夜西窗雨空餘一榻橫沈上舍彥  
曾嘗主於萬為詩友別後以此冊寄萬寓離思也時春雨連夜故有未韻

金參軍眉生鷗榭剪燈圖

春風展水檻促坐此題襟鷗亦盟新侶蛩多和夕吟論

文燈火地感舊酒杯深他日剪窗燭圖為主客尋金短簿銓

落成水榭時予為題榜陳司馬裴之綴跋語今榜既更書而陳歸道山且十載矣第六句指此

鶯脰湖舟眺

金閭才折柳珠湖又采蕪畫眉橋下過不見畫眉人前道

此有所遇

好深湛思室詩存

卷九

三

石司馬散甫丈以卓異引

觀呈短律四章代送

誰似使君賢文章政事傳乞湖賀監志分郡白公年守分

州治比二千石清於六一泉竭來移禮席嘉樹又鶯遷

行色催津鼓離情動暮笳鳴珂重赴圖金主客金

闕衣錦正還家司馬家吳經史巷與鈞比鄰琴鶴隨行憶湖山送客

槎杭州與吳郡詩本袖中賒

新知報最回

聖主正求才驛路行散李燕臺薦始魂鶴徵書屢及鹿

引轂重來此日朝天吏欣逢閭闔開

隗有吾回切从集韻

交誼忝羣紀年時附宦游陶鄰粉社近阮從竹林投待

受兵千門酬戲章金臺颯颯共常春

書屏寵無勞卧轍畱歸來看五馬迎郭託前騶

楚太子役及山贈盧大令琳

循異誰論最我懷盧玉川栽桑此地利貢蒨使君先心

鑒桐谿水手調花縣絃催租知美政露冕在農田

居節畫卷題後

節吳人家隸織局局監孫隆聞其名召之不往

好深湛思室詩存

卷九

四

孫怒坐以逋帑破其家乃僦居半塘蕭然茅屋

交多山人衲子有詩名集曰牧豕

誰擅停雲筆畫圖居子能染豪半塘水侍學一庵燈節弟

子曰王人鑑得其詩學避地尚衣監論交補衲僧可憐

堂供古佛一燈熒然

牧豕集異代獨聲稱

書與漢宮

萬戶千門陋建章金臺厭勝竟非常秦宮一炬薰椒壁

漢殿重災起柏梁泣露馬門真奄忽舉烽燕塞太披猖

儻教褒女堪供笑暫獵驪山也未妨

強園作噩

戈茂才載翠薇雅詞第十七刻成郵示率成二絕

卻寄

絕妙好詞似秦七又看淮海集編時君逢王鞏聯吟筆

高郵王寬甫名敬之與順卿唱和題咏秦郵古迹甚夥寬甫有三十六湖漁唱詞我愧孫莘共

酒卮

鹿筋廟古猶名里蚌壳珠沈舊有湖三十六陂漁唱徧

新來譜向笛家無新詞有笛家一令為兩家唱和之作

中年聽雨圖 徐州司馬琮巧松壺老人寫是圖

好深湛思室詩存 卷九

五

中以寓同懷之感僕半生羈旅廿載寓公張儉辭

家王維憶弟對牀空約温被無期勉裁短章音

彌愁苦正恐秋絃悽咽聞者拊心矣

年年聽水又聽風載酒江湖類轉蓬怕讀竹山小詞令

斷鴻唳過客舟中

暮雲如羃片帆收等是中年悔浪游九日茱萸歡讌香

不堪杜甫又悲秋鎔弟以癸巳仲秋去世予時客淮浦未歸

阻風瓜州重訪顧大春藻不值卻寄

倚棹暮江東知交念顧雍聲名詩句在寥落酒人同有

刺空投晚

前一日訪顧於蕪城是日重過下春矣借用李義山投刺雖傷晚句

無文與送

窮繫書向江鴈還阻石尤風

舟發吳江卻寄顧大春福兼示吳二壽格

春雨罨亭臯宵霧蒙蘿竹樣棹金閨門家山悵孤獨故

人重見招巾車欵巷曲季重適養疴長康方信宿

顧主於吳

惜別意易闌感舊言難復坐忘燭見跂情深酒初淥我

今之西泠君又返林屋五載相見難一朝相違速因之

輟琴尊愴然腸轉轂明日挂離帆江津柳變綠

周澗東觀察天台采藥圖長歌奉呈

好深湛思室詩存

卷九

六

君不見餌苓句曲陶貞白方瞳耽隱領朝職又不見采

芝商嶺園綺公龐眉出建非常功訪道頤年凡幾輩名

成豈必身容退公本瀛洲仙壯歲斫桂游鈞天一朝經

世度真訣如療疾苦逢盧扁英雄作用神仙術揚旌島

門浪飛雪手麾羽扇靖鯨鯢寰海澄清現金闕采藥求

長生暫從圖畫傳幽情赤城霞起桃花明石梁謾謾松

風聲遠從寒拾覓丹竈飛泉灑袖雲中行呼龍耕煙瑤

草長綠玉杖敲石門響畱侯偶託赤松游謝安終爲蒼

生仰醫國手拯時才丹臺導引同春臺鄴侯身有真仙

福珍重羣黎待命來

重九寄懷徐州司馬琮泰州

相思江水深夢遠楚山吟又落淮南樹難爲兩地心玉

臺序詩句金鑑守官箴

徐官河防

此日茱萸宴同勞舊約尋

子與徐均有同懷之感徐有誤尋舊約圖

潤東都轉提調浙闡次坡公監試呈諸試官韻紀

事仍疊原韻奉教

監司實憲臣都轉兼厚廩適逢顛士年飭紀仗英稟棘

闡鎖浹旬蕊榜遲三稔風流繼坡公拈韻煎茶飲石鼎

好深湛思寧詩存

卷九

七

句鬪奇金壺墨流瀋典雅復渾雄儼入司空品辛苦白

袍人風簷時苒桂星輶重掄才科制務加審行卷兼糊

名防維法滋甚頗懼淮雨訛敗絮蒙繡錦冰鏡照勿疲

珊枝網無磣公乎秉厥政巡邏何踔躔司籥守者嚴扃

門出交凜旋見鵬搏瀛乍如魚伏淦賤子因秋風桑落

感食樵卅載同學人青雲羨接袵奮翼與垂翅霄淵一

轉睽已分爨下材敢爲中郎詗如繡度無鍼若鬻調失

飪文壇仰歐蘇詩名邁任沈蟠律間鴻采三復忘饋寢

巴謠獻郢宗敢同手民錢趨走職罔詈關白口惟噤待



唱大羅天重探鴻寶枕

華樂器前一日

於今入重陳志發啓

原詩

登第十九年一官糜祿廩未得操文衡福薄由天稟  
臺海憶歸來屈指又三稔四明山氣佳鑑湖水可飲  
公餘強解事枵腹無墨藩忽覩髦士集快就大雅品  
竹箭挺蓬蒿翹材蠹苒荏爲邦國求賢綱紀倍詳審  
糊名而易書防閑法已甚魯魚亥豕訛泥沙駝宮錦  
譬彼醯醬調轉懼砂礫礮分校內有人提調外踔蹀  
功令極森嚴出入交傲凜啟閉魚鑰司寸步共警淦

好深湛思室詩存

卷九

八

秋風動桂林好音食桑椹門外白袍人鵠立衣接袵  
咫尺入風雲變幻雙目眈高歌發狂嘯得意初誰論  
酸醎性可嗜未必愜烹飪遂作失意思腰瘦人如沈  
情癡喚不膺顛倒廢食寢文章眞賞在簾幕授鐫鉞  
相戒剗刷人發語口都噤薪水逐日供夢擾游仙枕  
臺鳳唼堂夜坐日占三餘四照山嵐封盡木石窟

桂樹枝相糾選石坐清話

堂有老桂五本始花

啜茗宵已闌香在

空亭外

捲幔月鈎挂溶溶露泣華

前一日寒露節

微吟入蛩籟涼透碧

窗紗

大令

高閣亦清閑宵涼警鶴眠廣寒霓羽遠無分夢游仙

富陽舟次御寄長白鄂刺史雲

水窗靜撥鈿箏篴商婦飄流我亦愁賴有江州白司馬

停杯同聽四絃秋

大令大蘇蘇參軍五粒

未妨吏隱似神仙句漏還尋葛稚川

同郡葛參軍在球時官富陽同登城

帆閣重此登臨應撼笛影帆閣外水連天未調黃平八

天涯門外易銷魂一舸全家話酒樽抵似五湖重泛宅

使君近在芑蘿村

謂范心梅大令新有所遇

蘇無容星使於巔腹且

好深湛思室詩存

卷九

九

欲上西臺擊唾壺西臺已遠只寒蕪客星明似隴頭月

惟向嚴江伴釣徒

狎潮羣雁宿蘆灘風月滿江客獨還惜我未師黃子久

舵樓墨寫富春山

大癡常畫富春一角

富渚偶成示范大令先達葛參軍在球

酒痕襟上滯杭州蓬鬢蕭騷載酒游詞賦飄零重橐筆

江山浩渺一登樓

謂葛蘭谷同登影帆閣

折腰彭澤臣容隱晞髮

巖陵客獨愁

謝臯羽有一髮青山吳越近鴟夷遲泛五

湖舟

謂范大令

碧天

碧天如夢柳如煙  
兩地懷人各自憐  
鸚鵡消磨簾外日  
芙蓉零落鏡中年  
秋風有信先羅扇  
明月無情上翠鈿  
珠箔香燈同悵望  
一般雙照不雙眠

好深湛思室詩存

卷九

十

秋深香徹同對筆  
一燈雙照不雙眠

芙蓉零落鏡中平  
秋風有信先羅扇  
明月無情上翠鈿

珠箔香燈同悵望  
一般雙照不雙眠

碧天

好深湛思室詩存卷十

吳孫義鈞和伯氏著

著雍闥茂

沈別駕廉自曹考乞假歸卜居歸安之竹墩正月

以公適湖州紆道訪之卻寄二律

平生作客沈初明乍返田園淡宦情豪氣漸平杯盡酒

舊游重話燭消檠三篇策究今無輩

謂漢書溝洫志賈讓三策別駕久於

河防故云入詠樓高舊有名一棹相尋苕雪水夜涼載夢下

菰城

好深湛思室詩存 卷十

一

乞身章在暫歸休門外前溪卜築幽三徑羊求商出處

一朝牛李任恩讐名場我亦風飛鷁身世君同浪狎鷗

遲向西亭結鄰去春風閒醉白蘋洲

舟發碧浪湖

我自南湖來言尋西塞路春山靜如姝黛眉嫣然露湖

鏡淨開匳峯鬟輕約霧遵渚柳陰多釣筒橫古渡稍稍

炊煙散冷冷梵鐘度帆影漁莊暝斧聲樵徑暮短檝入

蘋洲煙中起鷗鷺

陳大令輝宰黃巖餉黃柑金橘謝之以詩

溪山第一小樊川

邑北六潭山朱文公嘗著書其麓名小樊川題曰溪山第一

吏隱

來探古洞天

邑南委羽山輟耕錄所謂空明洞天也

詩占永嘉鬱温尹不

須桃實羨逢仙

題封比帖手緘開霜後分甘三百枚料得使君勤樹政

頭銜兼領橘官來

月印三潭山六潭離家同是憶江南

大令與子同里

垂虹秋色

平分取絕似洞庭金破柑

### 江南意

渡頭桃葉艇溪邊蔣妹家面羞紈扇潔鬢稱玉釵斜北

好深湛思寧詩存

### 卷十

二

隸仍芳草東園有落花靈和幾株柳還帶舊宮鴉

### 舟泊富春雨中望赤亭山

斗城翼山椒凌虛矗樓櫓四山暮色重一篷壓江雨赤

亭辨煙際信宿石尤阻水天盡泱潐雲巒恣嘔吐披裘

人不逢釣臺獨千古

通志赤亭山一名赤亭山赤松子駕鶴時停此山有嚴陵釣臺謝客

詩赤亭無淹泊指此

### 初攝仁和縣丞

信美湖山託宦游乍權長吏漫擡頭妒袍青草慚年少  
傍幕紅蓮感故侯枳棘未妨鸞鳳集稻粱只是雁鴻謀

石生薶沒温生老還見烏公愛士不

七夕口占

水晶簾捲列茶瓜迢遞星妃盼鳳車癡絕人間爲天上  
儘忘露坐玉繩斜

纖月微雲影碧羅羊鐙初上澹銀河紅牆本是長相望  
替種深情兒女多

距理安三四里居民植桂爲業秋仲始花游者甚  
夥汪大令仲洋招同史大令復善陳學博其泰  
攜榼酌花下歸而賦此得十韻

好深湛思室詩存

卷十

三

金風動桂林醴香滿湖度秋岳負清游詩侶聯高步汪  
倫旣舊要史游亦遐顧筍輿入鳴轉黃雲四圍護十里  
枝相蚪忘到山深處畱人坐選石盤蔬隨意具叢樹密  
葉交杯間影晞露馨遠蜨戀暝境幽蒼吟暮未感江潭  
篇頗諧淮南句回軒眄前峯芬在祇園樹

江南田家行

水汨汨草茫茫上田歲下田荒有婦持盃兒提筐年年  
犁土還分秧江南自來重征賦難收未穀輸官糧農家  
向佃富家屋盡入官家猶不足聞道轉輸狼籍多半飽

空倉饑鼠腹長官來江玉珂鳴江南爲唱田家行田家  
行試聽采前人苛政後人改可憐寒月照荒村逃亡破  
屋家家在

屠維大淵獻

玉波冷雙蓮

雙頭藻怯金翦風承顫珠淚秋媽紅三十六陂夢翠被  
冷露墮粉辭吳宮滿江又唱采蓮曲一舸橫陳鶯管促  
隨風轉棹鴛鴦愁夜半王孫歸去休

立春後日暖如夏令小除至元旦旦雨兼有雷電旋

好深湛思筆詩存

卷十

四

大雪五日方止浹旬中寒暑特殊走筆紀異用

高青邱立秋前三日雷雨大作書壁間詩韻二十

月二十三  
日立春

歲闌休役斷交友烏兔駸駸增老醜山妻初飮五辛盤  
爲勸迎年藍尾酒羲伯著鞭正驕陽玉女投壺忽笑口  
冬行夏令呂所忘如書日食不宜有炎歎未祛嚴序作  
銀海翻天朔吹吼今宵大雪折竹枝昨夜暄風爛桃柳  
送暑迎寒紫電車屠蘇杯箸驚落手飛霰闔扇陷深尺  
皸坼冰塗斷行走歷頭三日墜雙扉頗似袁安僵卧叟

奚僮凍作饑鳶蹲卻埽屢呼縛青帚窮陰黯霽忘朝昏  
地鑪灰死寒入牖玉缸傾盡謀醉眠乍見月鈎挂星斗  
乾坤轉軸誠刹那人世炎涼詎能久

樂 天孫

朱鳥窗虛百寶裝鳳璈仙子近銀潢殷勤靈匹裁雲錦  
只是天孫缺報章

春燈賦色玉蟲挑淡墨題箋解佩要青鳥使空求種璧  
雲英本是隔藍橋

張星依舊在天河牛女闌干總逝波欲爲相思翻子夜

好深湛思室詩存 卷十

五

瑤臺月下試清歌

短歌行

置酒華堂爲壽未央今我不樂日馳電光世慕功名夕  
賈朝榮少年棄繻壯士請纓衣錦翁子鼎食主父勢去  
身傾寂寞坏土哀哉鷄雀安知鴻鵠與時升沈人生行

樂

舟行澈浦書所見

落帆遇溪回吠犬知村近道逢西磧農

居民相語如此

先探野

梅信



棲鴉知向夕放犢識還家屋角山容淨幽人正詠花

詠史十首

今夜故人朝刺史性甘彈効在烏臺求金索米陳仁祚  
私怨都教合傳來

黷貨行人偏怙寵摸金校尉亦乘權吳中老漚探銅穴  
鬻海難爲一洗滌

求金使乃及鹽人一旦湘纍效逐臣未必五刑囊首酷  
如何長史獄翻新

生來金窟過延年酷吏銀鐺盡室連幾見覆巢有完卵  
好深湛思室詩存

卷十

六

不將水死問重泉

公羊問獄自專門披牘何如手一樽十萬錢才堪一飯

金籬正滿遺兒孫

金門等是凌煙讚槐里侯仍百里侯多事蔚宗裁獨傳

扶風星隕合方休

禹筭關心到羨餘攫金清晝笑非夫漫爲許史金張惜

走卒能辭銅臭無

葫蘆依樣也傳薪鉤距辭工羅網勻珥筆恐貽金乘貶

未能攀檻卻攀人

金史趙秉文傳朱雲攀檻秉文攀人

瘖似寒蟬依禁少橫如瘦狗逐朝多甘陵南北由憎愛  
懼起熹平鈞黨何

桑梓葭葦亦等閑餓豺方復踞天關太行圯坂誠蕪絕  
未抵人心反覆閒

### 錢清朝發

黃茅苦竹猿夜哀錢清渡頭棹歌來聞雞推篷看殘月  
積霧遠自西陵開劉侯古祠小江口未得謁侯奠杯酒  
越城山水仍清嘉可有選錢賢太守

### 曹娥舟次訪陳離宰長樂卻寄

好深湛思室詩存

卷十

七

一棹鏡湖月清宵載酒過政閒庭網鵲書好客籠鵝吏  
久名心盡交真氣誼多願君論主旨爲養赤城和

君疾方瘳

元龍百尺樓豪氣已全收黃絹尋遺迹紅裙感盛游王  
楊有標榜牛李任恩讐漫爲分攜惜明州近越州

### 奉化過剡源溪

雪竇山遙暮靄低總宜船泊酒樓西不逢安道歌招隱  
一棹蘆灣入剡溪

### 過桐巖嶺

甯海界山劇斗峻

臨海志作銅巖距縣五十里東北與

黃雞啼曙海城白朝發籟輿望桐柏歐陽忞輿地廣記甯海有桐柏山府

志稱在僕夫相戒偏仄行直上桐巖千仞壁層磴初同

蟻旋磨重巘漸教馬伏軛攀樹猿怯丹梯高穿竇蛇驚

蒼礦坼縋幽正苦九坂紆出陝俄愁兩厓窄萬尋礮壑

滄龍淵百重蘚莓石龜脊尺塗寸轉慎踏空性命鴻毛

輕一擲堊父十輩力懸布謝客多從齒折屐前牽後挽

捫葛藤踠驥喘牛汗揮液屣屣乍陟涼亭空快若轅駒

重負釋曠望頓教豁心胷餘悸猶難定神魄漫漫雲樹

畫一桁浪浪天風生兩腋玉洞冽泉浣暑塵淪茗坐眞

好深湛思寧詩存

卷十

人世隔旋復下巖得得行如鴻順風魚縱澤回看鳥嶺

前征塗蒼茫畧辨鳥飛迹臨海志烏巖嶺在縣東七十里按圖與桐巖實一脈也

蠶叢邛坂忽康廵出險入夷曷未仄請君莫歌行路難

人心險夷亦頃刻

仙居道括州望括蒼山望十轉對空封命懸手

我聞括蒼山高一萬六千丈遠佐靈嶽棲神仙翠崖蒼

壁篆蝌蚪古洞不紀藏眞年韋羌八疊相蜿蜒黝冥翁

忽通雲煙瑤草自綠石門闕方平一去遠接崑崙巔我

來恰峯下曉行月在羈鷄雞四唱日霞且疑是赤城華

頂亂開金色千頭蓮磴道何遶連松濤謾謾槐陰圓暑  
清六月如涼天芳溪陳媪酒丹井葛翁泉卓午解鞍欵  
蘭若淪茗坐使凡塵捐眞隱之峯高高乃在五雲間昂  
首歷數舉馬鞭白鶴千尋挂匹練蒼龍十丈垂空淵晴  
巒雨過轉蔥蒨倩空翠欲滴衣袖鮮此是仙家十洞天十  
二圳漑蒔藥田燈壇繡屏互鈎帶中有羽人釋子來栖  
元金庭福地不可到雲中猿鶴空招延何年重棹蒼舒  
船鼻準峯下茅屋營數椽洗腸蛻骨覓眞訣遠從寒山  
拾得丹邱邊

好深湛思室詩存

卷十

九

章安行館阻雨十日不出口占遣悶

雷鳴洞壑水鳴沙閒倚危闌獨客嗟禪榻空旬肘生柳  
書窗積霧眼看花恰峯望斷雲雙闕確雨敲殘月萬家  
悵望金庭千雉堞迷離不辨赤城霞館面巾子山時澗  
雨浹日雲雨中修  
隱條見又水碓急響徹夜不啻千萬碓杵也故有五六一聯

蕭山寄懷王大令錫周用高青邱蕭山尹明府吳

越兩山亭詩韻

我家吳越從宦游歲歲擊檝隨江流比綰寸組四明朝  
昨奉短檝諸全州散材何敢薄郡掾聽鼓維夏今徂秋

西陵渡頭永興邑百里近喜來賢侯築室正學許詢勝  
選錢不遺劉寵羞琴絃晝靜看山屋好景都付詩囊收  
會見魯恭報三異未須平子工四愁君家方平此窟宅  
我欲載酒從未由頓然雌伏忘去聲昏且僵蟬尺簡徒研  
搜雪竇不逢游客過日湖偶爲漁唱畱頗似元白作鄰  
郡欲見不見生離憂但當隔江望飛舄和詩入袖追青  
邱

庭中手植牽牛七夕始花酬以詩

一籬秋豔淡雲羅脈脈天孫泣露多底事試花剛此夕

好深湛思室詩存 卷十

十

翠梭剪翦落銀河

秋蛇引蔓碧滋苔疑向蔚藍天半開早愛林間成隱逸  
移根休近日邊栽

星外籠屏睡起無銀牆顛影竹枝扶青錢乞取黃姑聘  
仙袂攘來盡五銖

豆棚分占曉風香也乞朝陰箋綠章寸草無心似葵藿  
應知不耐闕炎涼

紫霞漱灑玉瓏璫皓腕婷婷翠盞擎漫向柴君窰比色

分明雨過好天晴

後周時請窰器式世宗批其狀曰雨過天青雲破處者般顏色作將來

未須舒卷鬪朝霞萬柄青於蓮座花寶相平分紺髻色  
剎那雅稱佛光華

向曉瓜亭月似弦惜花人起曉涼先可憐玉露金風早

一霎仙姝墮翠鈿

紫女牆低吐豔柔畧如朝菌小春秋如何悟徹炎炎滅

不遺榮華晚露收

渡海用蘇眉山送馮判官之昌國詩韻

東吳泖澹浪接天鎮鼇一峯橫蒼煙三門天險不可越

若嵩與岱呼渡船

邑志大榭嵩梓岱山皆設渡船時以公之定海重九日甫還遇颶風乃自

好深湛思室詩存

卷十

十

穿山取道寅隅山脈勢飛舞日華盪潏雲噓吐育王梵鐘送

行程

阿育王嶺距穿山五十里而近

黃頭直探蛟龍府歎雪鯤鬣排山

鱗神蚪囊首龜碧眸盧賦寶志詎賅覈圖經可窮李與

仇危檣簸空神聳伏一命鴻毛委鱗族身履絕險氣轉

豪快御颿輪控馬服朝來檣鷁望竹門紫髯赤翼皆兒

孫徑思石坪覓丹竈葛翁梅尉招其倫烏用郡椽從讀

律心計辛文瘁形質韓說徒乘橫海船仲升空擲銘山

筆昨奉檄書出府幕昌國舟梁載商度

鄧太守廷彩以定鎮往來蛟門

道險設穿山義渡船以避之鈞與是役因行

盤陀彼岸慈航來功德應教作

梵樂瀛閩仙蓬萊閣金闕名淪嗟劣薄七觀賦罷一草  
杭願揖盧敖沂寥廓  
定海宿祖印寺

海外尋初地山花白幾峯魚游朝聽喞鯨吼夜聞鐘閣  
迥雲巒入帆開雪浪重劫灰蓮座在信宿話文公

周矩庵都督士法權鎮定海畱宿官寺酒闌按板  
花下題襟十日之游致足樂也歸塗賦長律卻

寄海舶傳箋扣舷而歌不啻孟襄陽瀛天高咏  
矣

好深湛思室詩存

卷十

三

戟衛高筵鎮飲醪快逢公瑾量容包故侯神射山中虎  
上將餘威海底蛟懸榻陳蕃原舊契  
矩庵從故友黎大令應南知鈞久比

至定卽畱榻焉引杯杜甫屬新交  
榻來十日平原樂不數何曾

一飯嘲  
矩庵治具劇精

鼇峯翠嶺敞高臺看劍攤書日幾回  
臺後有山裘帶流風

眞雅度樓船橫海卽雄才  
矩庵履任卽日出洋桂花叢

窟劉安集  
解後山多桂樹矩庵嘗畱客酌花下細柳新營中尉開漫向蘇  
門比鸞嘯應知顧誤爲公來  
矩庵喜音律時與顧誤

阿育王寺偃松





